

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA

ZAKON
O IZMJENAMA I DOPUNAMA ZAKONA O SOCIJALNOJ ZAŠTITI,
ZAŠTITI CIVILNIH ŽRTAVA RATA I ZAŠTITI PORODICE SA DJECOM
(Prednacrt)

Nosilac izrade:
Ministarstvo za rad, socijalnu politiku,
raseljena lica i izbjeglice

Sarajevo, februar 2018. godine

Na osnovu čl. 13. stav 1. tačka e) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96-ispravka, 3/96, 16/97, 14/00, 4/01, 28/04 i 6/13, 31/17) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", br. 36/99, 54/04, 39/06, 14/09 i 45/16), Skupština Kantona Sarajevo, na sjednici održanoj _____ godine, donijela je

Prednacrt

ZAKON
O IZMJENAMA I DOPUNAMA ZAKONA O SOCIJALNOJ ZAŠTITI,
ZAŠTITI CIVILNIH ŽRTAVA RATA I ZAŠTITI PORODICE SA DJECOM

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst, 38/16 i 44/17) (u daljem tekstu: Kantonalni zakon) u članu 4. stavu 1. ispred i iza riječi: "Kantonalni centar za socijalni rad" se stavljaju interpunkcijski znaci "navodnika".

U stavu 2. iza riječi: "Kanton" dodaje se riječ: "Sarajevo".

Član 2.

U članu 6. iza riječi: "Hercegovine" dodaje se interpunkcijski znak "zareza" i riječi: "ukoliko ovim zakonom nije drugačije propisano".

Član 3.

U članu 13. stav 2. mijenja se i glasi:

"Vlada Kantona će svake tekuće godine svojim aktom utvrditi visinu koeficijenta iz stava 1. ovog člana, s tim da osnov ne može biti manji od onog utvrđenog u prethodnoj godini."

Iza stava 2. dodaju se novi st. 3., 4., 5. i 6. koji glase.

"Nakon što Vlada Kantona utvrdi visinu koeficijenta iz stava 2. ovog člana, ministar za rad, socijalnu politiku, raseljena lica i izbjeglice Kantona Sarajevo (u daljem tekstu: ministar) donijeće instrukciju kojom će se utvrditi visine novčanih davanja po osnovu prava iz Kantonalnog i ovog zakona.

Služba će svake godine nakon što instrukcija iz stava 3. ovog člana stupi na snagu, po službenoj dužnosti izvršiti reviziju rješenja ostvarenih prava.

Službe su dužne da po službenoj dužnosti vrše reviziju svih predmeta smještaja u ustanove socijalne zaštite namanje jednom u šest mjeseci.

Ukoliko Služba u postupku revizije utvrdi da korisnik i dalje ispunjava uslove za ostvarivanje prava, neće donositi novo rješenje, već će voditelj postupka sačiniti službenu zabilješku o provedenoj reviziji i istu pohraniti u predmetni spis, a ukoliko utvrdi da korisnik ne ispunjava dalje uslove za ostvarivanje prava, donijeće rješenje o prestanku ostvarenog prava, na koje korisnik ima pravo žalbe Kantonalnom ministarstvu."

Član 4.

U članu 13 a. u stavu 2. interpunkcijski znak: "tačka" zamjenjuje se interpunkcijskim znakom: "zareza" i dodaju riječi: "o čemu prvostepeni organ odlučuje rješenjem u kojem određuje

način i rok povrata sredstava".

U stavu 3. riječi: "Kantonalno ministarstvo" zamjenjuju se riječima: "prvostepeni organ".

Član 5.

U članu 20. iza riječi: "zakon" brišu se riječi: "uvećanim za iznos novčanog dodatka".

Član 6.

U članu 34. stav 2. briše se.

Član 7.

U članu 35. u stavu 1. iza riječi: "na" dodaju se riječi: "školovanje i".

Član 8.

U članu 38. stav 1. mijenja se i glasi:

"Utvrđivanje postojanja osnova za ostvarivanje prava na školovanje i osposobljavanje za život i rad iz čl. 35., 36. i 37. Kantonalnog zakona vrše stručna tijela sa kojima Kantonalno ministarstvo zaključuje ugovor."

U stavu 2. riječi "Stručne komisije" zamjenjuju se riječima: "stručna tijela".

Član 9.

U članu 42. u stavu 2. riječi: "Službi za zapošljavanje" zamjenjuju se riječima: "nadležnoj ustanovi u čijoj je nadležnosti vođenje evidencije o nezaposlenim osobama".

Član 10.

U članu 70. stav 1. mijenja se i glasi:

"Rješenje o ispunjavanju uvjeta za osnivanje privatnih ustanova socijalne zaštite (u daljem tekstu: privatne ustanove) donosi Komisija za prvostepeno rješavanje (u daljem tekstu: Komisija) koju rješenjem imenuje ministar.

Član 11.

U članu 73. u stavu 1. iza riječi: "osnovati" dodaju se riječi: "privredno preduzeće" i interpunkcijski znak "zarez".

Član 12.

Član 84. se mijenja i glasi:

"Član 84.

Organi upravljanja, rukovođenja i nadzora Centra imenuju se i razrješavaju u skladu sa Kantonalnim zakonom, ovim zakonom i Zakonom o ustanovama."

Član 13.

U čl. 99., 101., 102., 103., 105., 106. i 112. iza riječi: "ustanove" brišu se riječi: "socijalne zaštite".

Član 14.

U članu 104. u stavu 1. riječi: "Kantonalnom ministarstvu" zamjenjuju se riječima: "o nadzoru ministru".

Član 15.

Član 105. mijenja se i glasi.

"Član 105.

Nakon što razmotri izvještaj o nadzoru, ministar utvrđuje mjere i rokove za otklanjanje nedostataka konstatovanih prilikom nadzora nad radom ustanove."

Član 16.

Član 106. mijenja se i glasi:

"Član 106.

Ustanova je obavezna u utvrđenom roku pismeno informisati ministra o izvršenju utvrđenih mjera.

Ukoliko ustanova ne postupi u skladu sa mjerama i rokovima koje utvrdi ministar, ministar će o ovome informisati Vladu Kantona."

Član 17.

Član 111. mijenja se i glasi:

"Član 111.

Način provođenja supervizije, te druga pitanja koja se odnose na provođenje supervizije u ustanovama socijalne zaštite u Kantonu Sarajevo, urediće se pravilnikom koji donosi ministar."

Član 18.

U članu 113. u stavu 1. u alineji 3. iza riječi: "staža" dodaju se riječi: "i najmanje tri godine iskustva na rukovodećim poslovima".

Stav 2. mijenja se i glasi:

"Za direktora ustanove se mogu imenovati osobe koje imaju stručnu spremu iz oblasti socijalnog rada, pedagogije, psihologije, sociologije, prava ili defektologije."

Član 19.

U članu 136. u stavu 1. riječi: "imovinski cenzus" zamjenjuju se riječima: "ukupan prihod

domaćinstva".

Član 20.

U članu 140. stav 2. mijenja se i glasi:

"Pravo na dodatak na djecu pripada i djeci koja su smještena u ustanove socijalne zaštite i hraniteljsku porodicu, s tim da se za svako dijete postavi poseban staratelj koji će u njegovo ime otvoriti štedni račun na koji će se mjesečno uplaćivati iznos dodatka na djecu, a s kojim će dijete nakon 18. godine života moći samostalno raspolagati."

Član 21.

U članu 148. iza stava 1. dodaje se novi stav 2. koji glasi:

"Izuzetno od člana 6. Kantonalnog zakona, pravo na naknadu umjesto plaće ženi – majci mogu ostvariti strane državljanke kojima je aktom nadležnog organa odobren stalni boravak u Bosni i Hercegovini, koje ispunjavaju uvjete u pogledu prebivališta u Kantonu Sarajevo i uvjete propisne članom 149. Kantonalnog zakona."

Član 22.

U članu 150. dodaje se novi stav 2. koji glasi:

"Ukoliko poslodavac za kompletan ili dio porodijskog odsustva ženi majci uplaćuje doprinose i poreske obaveze iz stava 1. ovog člana, iz Budžeta Kantona Sarajevo će se isplaćivati samo naknada plaće ženi – majci."

Član 23.

U članu 155. u stavu 2. riječ: "najniže" zamjenjuje se riječju: "prosječne".

Član 24.

U članu 162. u stavu 2. alineja 6. mijenja se i glasi:

"-djece u čijem domaćinstvu ima jedno ili više lica sa intelektualnim poteškoćama ili psihički oboljelih lica".

Iza alineje 7. dodaje se nova alineja 8. koja glasi:

"-djece samohranih roditelja i djece koja se sudskom odlukom povjerava na čuvanje i odgoj drugoj osobi."

Član 25.

Član 166. mijenja se i glasi:

"Član 166.

U skladu sa mogućnostima Kantona Sarajevo, mogu se osigurati školarine i stipendije đacima i studentima koji dolaze iz porodice u stanju socijalne potrebe, a o čemu svojim propisom odlučuje Vlada Kantona Sarajevo."

Član 26.

U članu 168. stav 2. mijenja se i glasi:

"Realizacija "Dječije nedjelje" u Kantonu Sarajevo, raspodjela sredstava sa pozicije "Dječija nedjelja" učesnicima u realizaciji ove manifestacije, kao i druga pitanja značajna za realizaciju "Dječije nedjelje" urediće se pravilnikom koji donosi ministar."

Član 27.

U članu 172. u stavu 2. iza riječi: "poslove", u zagradi dodaju se riječi: "(u daljem tekstu: Kantonalna inspekcija)".

Iza stav 2. dodaju se novi st. 3. i 4. koji glase:

"Kantonalna uprava za inspekcijeske poslove Kantona Sarajevo (u daljem tekstu: Kantonalna inspekcija) dužna je mjesečno dostavljati Kantonalnom ministarstvu izvještaje o izvršenim inspekcijским nadzorima.

Ukoliko Kantonalno ministarstvo smatra da se nepravilnosti utvrđene tokom nadzora, mogu brže otkloniti inspekcijским nadzorom, informisaće Kantonalnu inspekciju o potrebi vršenja inspekcijskog nadzora."

Član 28.

U članu 173. u stavu 1. brojevi: "1.000,00" i "2.000,00" zamjenjuju se brojevima: "2.000,00" i "15.000,00".

U stavu 2. iza riječi: "ustanovi" dodaju se riječi: "i odgovorna osoba u općinskoj službi za upravu", a brojevi: "500,00" i "1.000,00" zamjenjuju se brojevima: "1.000,00" i 3.000,00.

Stav 3. briše se.

Član 29.

Član 174. briše se.

Član 30.

U članu 175. brojevi: "500,00" i "1.000,00" zamjenjuju se brojevima: "1.200,00" i "4.000,00".

Prelazne i završne odredbe

Član 31.

Pravilnike iz čl. 17. i 24. ovog zakona ministar će donijeti u roku od šest mjeseci od dana stupanja na snagu ovog zakona.

Član 32.

Postupci koji su pokrenuti prije stupanja na snagu ovog zakona, a nisu okončani, okončaće se po odredbama ovog zakona.

Član 33.

Ovlašćuje se Zakonodavno - pravna komisija Skupštine Kantona Sarajevo da utvrdi Novi prečišćeni tekst Zakona o socijalnoj zaštiti, zaštiti civilnih žrtava rata i zaštite porodice sa djecom.

Član 34.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj:

**PREDSJEDATELJICA SKUPŠTINE
KANTONA SARAJEVO**

Sarajevo,

2018.godine

Prof. Ana Babić

O B R A Z L O Ž E N J E

I – PRAVNI OSNOV ZA DONOŠENJE ZAKONA

Pravni osnov za donošenje ovog zakona sadržan je u odredbama člana 13.e), i 18.b) Ustava Kantona Sarajevo ("Službene novine Kantona Sarajevo", br. 1/96, 2/96-ispravka, 3/96, 16/97, 14/00, 4/01, 28/04 i 6/13, 31/17) prema kojima federalna vlast i Kanton Sarajevo imaju zajedničke nadležnosti za oblast socijalne politike, s tim da Kanton Sarajevo razrađuje institute i finansira ono što je federalnim propisom okvirno utvrđeno.

Kanton Sarajevo ima pravo utvrđivati politiku, donositi i provoditi zakon u oblasti socijalne politike.

Osim ustavnog osnova, za donošenje ovog zakona osnov je i član 8. Zakona o osnovama socijalne zaštite, zaštite civilnih žrtava rata i zaštiti porodice sa djecom ("Službene novine Federacije BiH", br. 36/99, 54/04, 39/06 i 14/09), prema kojem nadležna tijela kantona uređuju djelatnost socijalne zaštite, zaštite civilnih žrtava rata i zaštite porodice sa djecom.

II – RAZLOZI ZA DONOŠENJE ZAKONA

Imajući u vidu da je osnovni tekst Zakona o socijalnoj zaštiti, zaštiti civilnih žrtava rata i zaštiti porodice sa djecom donesen 2002. godine, Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) je smatralo da je potrebno da se neka prava regulisana navedenim zakonom urede na drugi način, a postojala je takođe i potreba da se Zakon tehnički doradi kako bi pojedine odredbe bile lakše provodive.

Bitan razlog za izmjene i dopune važećeg Zakona je i činjenica da je pravo na smještaj u hraniteljsku porodicu regulisano Zakonom o hraniteljstvu ("Službene novine Federacije BiH", broj:

19/17) i da je ovim zakonom propisano da se isti počinje primjenjivati od 23.03.2018. godine, te je stoga bilo neophodno da se brišu odredbe koje su Zakonom o socijalnoj zaštiti, zaštiti civilnih žrtava rata i zaštiti porodice sa djecom regulisale smještaj u drugu porodicu odnosno u hraniteljsku porodicu.

Nadalje, ovim Zakonom je utvrđeno da će ministar za rad, socijalnu politiku, raseljena lica i izbjeglice Kantona Sarajevo, nakon što Vlada Kantona Sarajevo utvrdi svojim aktom visinu koeficijenta kao osnova za novčana davanja iz Zakona o socijalnoj zaštiti, zaštiti civilnih žrtava rata i zaštiti porodice sa djecom donijeti instrukciju kojom će se utvrditi visine ovih novčanih davanja.

Takođe se propisuje da će službe socijalne zaštite nakon stupanja na snagu instrukcije izvršiti reviziju rješenja ostvarenih prava, kao i način odlučivanja službi socijalne zaštite prilikom revizije ovih rješenja.

Ovim zakonom brisan je i novčani dodatak na ime plaćanja komunalija koje su dobijali korisnici stalne novčane pomoći. Razlog za ovo je činjenica da ovaj novčani dodatak korisnici stalne novčane pomoći nisu koristili za plaćanje komunalnih usluga, a da su se dugovanja korisnika stalne novčane pomoći za komunalne usluge svake godine uvećavala.

Stoga je zaključeno da se ova sredstva aktom koji će donijeti Vlada Kantona Sarajevo direktno usmjere prema komunalnim preduzećima, a da korisnici stalne novčane pomoći ne bi bili oštećeni, kroz izmjenu Uredbe o subvencioniranju troškova grijanja omogućit će im se da ostvaruju pravo na subvencioniranje troškova grijanja na što do sada nisu imali pravo.

Kada je u pitanju pravo na školovanje i osposobljavanje za život i rad, konstatovano je da preciziranje naziva zdravstvenih ustanova koje vrše ocjenu zdravstvenog stanja vezano za ovo pravo izaziva probleme prilikom primjene te je ovim zakonom utvrđeno da će ove ocjene vršiti stručna tijela sa kojima će Ministarstvo za rad, socijalnu politiku, raseljena lica i izbjeglice Kantona Sarajevo zaključiti ugovor.

Kad je u pitanju regulisanje osnivanja privatnih ustanova socijalne zaštite, predviđeno je i da privredna preduzeća mogu biti osnivači ustanova socijalne zaštite.

Zbog potrebe da se na mjesto direktora ustanova socijalne zaštite imenuju stručne osobe, predviđeno je kao uslov za imenovanje direktora, tri godine iskustva na rukovodećim poslovima. Takođe, analizom djelatnosti i usluga socijalne zaštite u kadrovskom, finansijskom i materijalno-tehničkom stanju ustanova iz oblasti socijalne zaštite na području Kantona Sarajevo za 2016. godinu koju je usvojila Skupština Kantona Sarajevo, kao stručni kadar sa VSS-om zaposlen u ustanovama socijalne zaštite navedena su sljedeća stručna zvanja: socijalni radnik, pedagog, psiholog, sociolog, pravnik i defektolog. Stoga je ovo ministarstvo smatralo da je neophodno normirati da se iz reda navedenih struka imenuju direktori ustanova socijalne zaštite.

Ovim zakonom je takođe predviđeno i da se supervizija rada socijalnih radnika u ustanovama socijalne zaštite posebno uredi pravilnikom koji donosi ministar.

Vezano za nadzor nad stručnim radom ustanova socijalne zaštite precizno je utvrđeno da se nakon izvršenog nadzora nad stručnim radom ustanova socijalne zaštite, izvještaj o nadzoru dostavlja ministru koji utvrđuje mjere i rokove za otklanjanje konstatovanih nedostataka, a u koliko ustanova ne postupi u skladu sa utvrđenim mjerama i rokovima predviđeno je da će ministar o istom informisati Vladu Kantona Sarajevo.

Ovim zakonom se takođe poboljšava Zakon o socijalnoj zaštiti, zaštiti civilnih žrtava rata i zaštiti porodice sa djecom u dijelu zaštite porodice sa djecom. Naime zakonom se omogućava porođiljama stranim državljanima koje su u radnom odnosu, a kojima je odobren stalni boravak u Bosni i Hercegovini i imaju prebivalište u Kantonu Sarajevo, da mogu da ostvare pravo na naknadu umjesto plaće ženi – majci u radnom odnosu. Takođe je predviđeno i da žena – majka koja rodi mrtvorodeno dijete ima pravo na naknadu umjesto plaće od dana ostvarivanja porođiljskog odsustva do dana rođenja mrtvorodenog djeteta srazmjerno broju dana od otvaranju porođiljskog odsustva do dana rođenja mrtvorodenog djeteta.

Bilo je neophodno i da se kroz zakon proširi obim prava na smještaj djece uz osiguranu ishranu u ustanovama predškolskog odgoja.

Kako su se u praksi dešavale situacije da poslodavac za vrijeme porođiljskog odsustva ženi majci u radnom odnosu uplaćuje doprinose za PIO/MIO, zdravstvo i osiguranje od nezaposlenosti, te poreske obaveze, da bi se izbjegla mogućnost da se po istom osnovu izvrše uplate i od strane Kantona Sarajevo, predviđeno je da će se u ovim slučajevima, iz Budžeta Kantona Sarajevo isplaćivati samo naknada plaće ženi – majci.

Ovim zakonom predviđeno je i da žena – majka ukoliko rodi mrtvorodeno dijete ili ukoliko dijete umre prije isteka porođiljskog odsustva ima pravo na novčanu pomoć.

Definisanje prava na školarinu i stipendije đacima i studentima u važećem zakonu je bilo preširoko, tako da za ovo pravo nije bilo realnih mogućnosti obezbjeđivanja finansijskih sredstava. Stoga je ovim zakonom ovo pravo definisano na jednostavniji način i ciljano je usmjereno prema đacima i porodicama koji dolaze iz porodica u stanju socijalne potrebe.

Kada je u pitanju "Dječija nedjelja" koja se svake godine provodi u Kantonu Sarajevo definisano je da će se raspodjela sredstava za njenu realizaciju urediti pravilnikom koji donosi ministar.

Novina u ovom zakonu je i propisivanje obaveze Kantonalne uprave za inspeksijske poslove Kantona Sarajevo da Ministarstvu za rad, socijalnu politiku, raseljena lica i izbjeglice Kantona Sarajevo dostavlja mjesečne izvještaje o izvršenim inspeksijskim nadzorima vezano za primjenu Zakona o socijalnoj zaštiti, zaštiti civilnih žrtava rata i zaštiti porodice sa djecom i podzakonskim aktima. Predviđeno je i da će Ministarstvo za rad, socijalnu politiku, raseljena lica i izbjeglice Kantona Sarajevo u slučajevima kada konstatuje da se nepravilnosti utvrđene tokom nadzora mogu brže otkloniti inspeksijskim nadzorom, informisat će Kantonalnu upravu za inspeksijske poslove Kantona Sarajevo o potrebi vršenja inspeksijskog nadzora.

Zakonom su takođe shodno Zakonu o prekršajima povećane i novčane kazne.

Kada su u pitanju pravilnici koje će donijeti ministar ovim zakonom je predviđeno da će se isti donijeti u roku od šest mjeseci od dana stupanja na snagu ovog zakona, a postupci koji su pokrenuti prije stupanja na snagu ovog zakona a nisu okončani, okončat će se po odredbama ovog zakona.

Ovim zakonom je takođe predviđeno da će zakonodavno - pravna komisija Skupštine Kantona Sarajevo utvrditi Novi prečišćeni tekst Zakona o socijalnoj zaštiti, zaštiti civilnih žrtava rata i zaštiti porodice sa djecom.

III – OBRAZLOŽENJE PREDLOŽENIH PRAVNIH RJEŠENJA

Član 1. Ovim članom u članu 4. stavu 1. ispred i iza riječi: "Kantonalni centar za socijalni rad" se stavljaju interpunkcijski znaci "navodnika".

U stavu 2. iza riječi: "Kanton" dodaje se riječ: "Sarajevo".

Član 2. Ovim članom u članu 6. iza riječi: "Hercegovine" dodaje se interpunkcijski znak "zarez" i riječi: "ukoliko ovim zakonom nije drugačije propisano".

Član 3. Ovim članom u članu 13. stav 2. mijenja se i utvrđuje da će Vlada Kantona svake tekuće godine svojim aktom utvrditi visinu koeficijenta iz stava 1. ovog člana, s tim da osnov ne može biti manji od onog utvrđenog u prethodnoj godini. Iza stava 2. dodaju se novi st. 3., 4., 5. i 6. koji utvrđuju da će nakon što Vlada Kantona utvrdi visinu koeficijenta iz stava 2. ovog člana, ministar za rad, socijalnu politiku, raseljena lica i izbjeglice Kantona Sarajevo donijeti instrukciju kojom će se utvrditi visine novčanih davanja, a Službe socijalne zaštite će svake godine nakon što instrukcija iz stava 3. ovog člana stupi na snagu po službenoj dužnosti izvršiti reviziju rješenja ostvarenih prava. Službe su takođe dužne da po službenoj dužnosti vrše reviziju svih predmeta smještaja u ustanove socijalne zaštite namanje jednom u šest mjeseci. Ukoliko Služba u postupku revizije utvrdi da korisnik i dalje ispunjava uslove za ostvarivanje prava, neće donositi novo rješenje, već će voditelj postupka sačiniti službenu zabilješku o provedenoj reviziji i istu pohraniti u predmetni spis, a ukoliko utvrdi da korisnik ne ispunjava dalje uslove za ostvarivanje prava, donijeće rješenje o prestanku ostvarenog prava, na koje korisnik ima pravo žalbe Kantonalnom ministarstvu.

Član 4. U članu 13 a. u stavu 2. interpunkcijski znak: "tačka" zamjenjuje se interpunkcijskim znakom: "zarez" i dodaju riječi: "o čemu prvostepeni organ odlučuje rješenjem u kojem određuje način i rok povrata sredstava". U stavu 3. riječi: "Kantonalno ministarstvo" zamjenjuju se riječima: "prvostepeni organ".

Član 5. Ovim članom u članu 20. brišu se riječi "uvećanim za iznos novčanog dodatka".

Član 6. Ovim članom u članu 34. stav 2. briše se.

Član 7. Ovim članom u članu 35. u stavu 1. iza riječi: "na" dodaju se riječi: "školoвање i".

Član 8. Ovim članom u članu 38. stav 1. mijenja se i glasi da utvrđivanje postojanja osnova za ostvarivanje prava na školovanje i osposobljavanje za život i rad iz čl. 35., 36. i 37. Zakona o socijalnoj zaštiti, zaštiti civilnih žrtava rata i zaštiti porodice sa djecom vrše stručna tijela. U stavu 2. riječi "Stručne komisije" zamjenjuju se riječima: "stručna tijela".

Član 9. U ovom članu u članu 42. u stavu 2. riječi: "Službi za zapošljavanje" zamjenjuju se riječima: "nadležnoj ustanovi u čijoj je nadležnosti vođenje evidencije o nezaposlenim osobama".

Član 10. Ovim članom u članu 70. stav 1. mijenja se i glasi da rješenje o ispunjavanju uvjeta za osnivanje privatnih ustanova socijalne zaštite donosi Komisija za prvostepeno rješavanje (koju rješenjem imenuje ministar).

Član 11. Ovim članom u članu 73. u stavu 1. iza riječi: "osnovati" dodaju se riječi: "privredno preduzeće" i interpunkcijski znak "zarez".

Član 12. Ovim članom propisano je da se član 84. mijenja i glasi da će organi upravljanja, rukovođenja i nadzora Javne ustanove "Kantonalni centar za socijalni rad" imenuju se i razrješavaju u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom i Zakonom o ustanovama.

Član 13. Ovim članom u čl. 99., 101., 102., 103., 105., 106. i 112. iza riječi: "ustanove" brišu se riječi: "socijalne zaštite".

Član 14. Ovim članom u članu 104. u stavu 1. riječi: "Kantonalnom ministarstvu" zamjenjuju se riječima: "o nadzoru ministru".

Član 15. Ovim članom utvrđeno je da se član 105. mijenja i glasi da nakon što razmotri izvještaj o nadzoru, ministar utvrđuje mjere i rokove za otklanjanje nedostataka konstatovanih prilikom nadzora nad radom ustanove.

Član 16. Ovim članom član 106. mijenja se i utvrđuje da je ustanova obavezna u utvrđenom roku pismeno informisati ministra o izvršenju utvrđenih mjera.

Ukoliko ustanova ne postupi u skladu sa mjerama i rokovima koje utvrdi ministar, ministar će o ovome informisati Vladu Kantona.

Član 17. Ovim članom član 111. mijenja se i utvrđuje da će se način provođenja supervizije, te druga pitanja koja se odnose na provođenje supervizije u ustanovama socijalne zaštite u Kantonu Sarajevo, urediti pravilnikom koji donosi ministar.

Član 18. U članu 113. u stavu 1. u alineji 3. iza riječi: "staža" dodaju se riječi: "i najmanje tri godine iskustva na rukovodećim poslovima". Stav 2. se izmijenio na način da je propisano da se za direktora ustanove mogu imenovati osobe koje imaju stručnu spremu iz oblasti socijalnog rada, pedagogije, psihologije, sociologije, prava ili defektologije."

Član 19. Ovim članom u članu 136. u stavu 1. riječi: "imovinski cenzus" zamjenjuju se riječima: "ukupan prihod domaćinstva".

Član 20. Ovim članom u stavu 2. utvrđeno je da će pravo na dodatak na djecu pripada i djeci koja su smještena u ustanove socijalne zaštite i hraniteljsku porodicu, s tim da se za svako dijete postavi poseban staratelj koji će u njegovo ime otvoriti štedni račun na koji će se mjesečno uplaćivati iznos dodatka na djecu, a s kojim će dijete nakon 18. godine života moći samostalno raspolagati.

Član 21. Ovim članom u članu 148. iza stava 1. dodaje se novi stav 2. koji glasi da izuzetno od člana 6. Zakona o socijalnoj zaštiti, zaštiti civilnih žrtava rata i zaštiti porodice sa djecom, pravo na naknadu umjesto plaće ženi – majci mogu ostvariti strane državljanke kojima je aktom nadležnog organa odobren stalni boravak u Bosni i Hercegovini, koje ispunjavaju uvjete u pogledu prebivališta u Kantonu Sarajevo i uvjete propisne članom 149. istog zakona.

Član 22. Ovim članom u članu 150. dodaje se novi stav 2. kojim je utvrđeno da će se, ukoliko poslodavac za kompletan ili dio porodiljskog odsustva ženi majci uplaćuje doprinose i poreske obaveze iz stava 1. ovog člana, iz Budžeta Kantona Sarajevo isplaćivati samo naknada plaće ženi – majci.

Član 23. Ovim članom u članu 155. u stavu 2. riječ: "najniže" zamjenjuje se riječju: "prosječne".

Član 24. Ovim članom u članu 162. stavu 2. alineja 6. mijenja se i riječi "mentalno retardirani" zamjenjuju se riječima "lica sa intelektualnim poteškoćama ili psihički oboljelih lica".

Član 25. Ovim članom član 166. mijenja se i glasi da se u skladu sa mogućnostima Kantona Sarajevo, mogu osigurati školarine i stipendije đacima i studentima koji dolaze iz porodice u stanju socijalne potrebe, a o čemu svojim propisom odlučuje Vlada Kantona Sarajevo."

Član 26. Ovim članom u članu 168. stav 2. mijenja se i glasi da će se realizacija "Dječije nedjelje" u Kantonu Sarajevo, raspodjela sredstava sa pozicije "Dječija nedjelja" učesnicima u realizaciji ove manifestacije kao i druga pitanja značajna za realizaciju "Dječije nedjelje" urediti pravilnikom koji donosi ministar.

Član 27. Ovim članom u članu 172. dodaju se novi st. 3. i 4. koji glase da je Kantonalna uprava za inspeksijske poslove Kantona Sarajevo dužna mjesečno dostavljati Ministarstvu za rad, socijalnu politiku, raseljena lica i izbjeglice Kantona Sarajevo izvještaje o izvršenim inspeksijskim nadzorima. Ukoliko Ministarstvo za rad, socijalnu politiku, raseljena lica i izbjeglice Kantona Sarajevo smatra da se nepravilnosti utvrđene tokom nadzora, mogu brže otkloniti inspeksijskim nadzorom, informisaće Kantonalnu inspekciju o potrebi vršenja inspeksijskog nadzora.

Član 28. Ovim članom u članu 173. u stavu 1. brojevi: "1.000,00" i "2.000,00" zamjenjuju se brojevima: "2.000,00" i "15.000,00", a u stavu 2. iza riječi: "ustanovi" dodaju se riječi: "i odgovorna osoba u općinskoj službi za upravu", a brojevi: "500,00" i "1.000,00" zamjenjuju se brojevima: "1.000,00" i "3.000,00".

Član 29. Ovim članom član 174. briše se.

Član 30. Ovim članom u članu 175. brojevi: "500,00" i "1.000,00" zamjenjuju se brojevima: "1.200,00" i "4.000,00".

Prelazne i završne odredbe

Član 31. Ovim članom utvrđeno je da će se propisi iz čl. 17. i 24. ovog zakona donijeti u roku od šest mjeseci od dana stupanja na snagu ovog zakona.

Član 32. Ovim članom propisano je da će se postupci koji su pokrenuti prije stupanja na snagu ovog zakona, a nisu okončani, okončati po odredbama ovog zakona.

Član 33. Ovim članom predviđeno je da će Zakonodavno - pravna komisija Skupštine Kantona Sarajevo utvrditi Novi prečišćeni tekst Zakona o socijalnoj zaštiti, zaštiti, civilnih žrtava rata i zaštiti porodice sa djecom.

Član 34. Ovim članom utvrđen je dan stupanja na snagu ovog zakona.

IV – FINANSIJSKI OKVIR ZAKONA

Finansijska sredstva za provođenje ovog zakona su obezbjeđena u Budžetu Kantona sarajevo na poziciji Ministarstva za rad, socijalnu politiku, raseljena lica i izbjeglice Kantona Sarajevo.